

FERÐIR

LAUGARDAGUR 26. APRÍL 2014

Kynningarblað

Börn á ferðalagi

Primera Air flýgur vikulega til Billund
Íslenskir straumar í New York



NORDICPHOTOS/GETTY

Ísland geymir undur veraldar

Ómar Ragnarsson, fréttamaður og skemmtikraftur, ann íslenskri náttúru. Hann tók börn sín ung með í vinnuferðir um landið og er nú þakklátur fyrir að koma Láru dóttur sinni að gagni í Ferðastiklum. Ómar segir mikilvægt að kynna börnum land sitt og þjóð.

Hvaða staði á Íslandi er nauðsynlegt að sýna börnum?

Helst þá staði sem gera landið hvað sérstakast. Þar ber hæst þá staðreynd að hinn eldvirki hluti Íslands er talinn vera eitt af 40 mestu náttúruundrum veraldar.

Samspil eldstöðva og jökla, elds og íss, á sér engan samjöfnuð á jörðinni né eins fjölbreytileg náttúrufyrirbæri sem hafa skapast vegna eldvirkni og þessa sam-

spils. Í stórra handbók um helstu undur veraldar stendur: „Ísland er einstætt meðal landa heims“ (e. „Iceland is a land like no other.“) Þess vegna er nauðsynlegt að sýna börnum fyrirbæri sem sanna þetta.

Lítið dæmi eru Hraunfossar í Borgarfirði en engir aðrir slíkir fossar finnast á jörðinni svo kunnugt sé. Fyrir austan Þingvelli eru móbergshryggir, Kálfstindar

og Tindaskagi, en það eru gígaraddir sem gaus úr undir jökli og er hvergi hægt að sjá nema á Íslandi. Skjaldbreiður er dyngja, og hvergi í heiminum er jafn margar dyngjur að sjá og á Íslandi. Brún Almannagjár er austurbrún meginlandsfleka Ameríku, en Þingvellir og Þingvallavatn eru sigdæld, sem varð til þegar þessi meginlandsfleki færðist til vesturs, en Evrópu-flekinn, sem byrjar raunar austur



Ómar Ragnarsson hefur ferðast víða og oft hafa börn og barnabörn komið með.

undir Heklu, er á austurleið. Í milli er svonefndur Hreppafleki sem er nokkurs konar „hlutlaust“ land. Dæmi um slíkt rek meginlanda og sköpun nýrra landa er hvergi að sjá á yfirborði jarðar nema á Íslandi.

Hvað fá börn út úr því að upplifa áfangastaði úr kennslubókunum af eigin raun?

Það er misjafnt hvað börn fá út ▶

SKÝRT MERKI UM
FAGMENNSKU

FERÐA
MÁLA
STOFA
ICELANDIC
TOURIST
BOARD



VAKINN er gæða- og umhverfiskerfi ferðaþjónustunnar. Skráðu fyrirtækið þitt á www.vakinn.is



„Ísland er einstætt meðal landa heims. Þess vegna er nauðsynlegt að sýna börnum fyrirbæri sem sanna þetta,” segir Ómar.

MYND/VALLI

► úr ferðalögum. Sum eru áhugasöm en öðrum leiðist upptalning á örnefnum. Það er gefandi að búa til léttu spurningaleiki með smá verðlaunum, svo sem að setja börnum einföld verkefni við að finna út á korti heiti fyrirbæra í ferðinni. Síðan á auðvitað ekki að þegja yfir því hvað áningarstaðir heita. Dropinn holar steininn.

Hvers virði er fyrir börn að upplifa land sitt með fjölskyldu sinni?

Það er afar mikils virði og skapar fleiri og fjölbreyttari fleti á nauðsynlegum og gefandi samskiptum í fjölskyldunni.

Hafa ber í huga að ávöxtur af slíkri upplifun skilar sér oftast ekki til fulls fyrir en löngu síðar, þegar börnin eru uppkomin, sjálf orðin uppaldur og fara að huga meira en fyrir að uppruna sínum og umhverfi.

Styrkir það fjölskylduböndin? Eflir virðingu, vitund og tilfinningu fyrir umhverfi og mannlífi?

Já, og skilar sér í því að skapa grundvöll fyrir betra og farsælla þjóðlífi og betri meðferð á landinu, sem skilar okkur virðingu í augum umheimsins – viðskiptavild ef menn vilja endilega mæla gildið í peningum.

Varst þú duglegur að ferðast með þín börn á sínum tíma og sýna þeim helstu náttúruperlur?

Fjölskylda okkar var óvenju stór og verkefni mín sömuleiðis

óvenjulega fjölbreytt og tímafrek. Ég reyndi að taka þau með í sem flestar mínar ferðir þegar ég var að skemmta úti á landi og jafnvel í sumar af þeim fréttuferðum sem ég fór sem einyrki. Öll fengu þau að fljúga með mér og eftir að 21 barnabarn kom til sögunnar hafa þau öll, eldri en fjögurra ára, einhvern tíma flogið með mér; stundum fleiri saman en þó öll einu sinni ein með afa.

Hver er þinn uppáhalds fjölskylduferðastaður innanlands?

Þar getur verið atriði að á viðkomandi stað sé sléttur flötur fyrir leiki. Góð sundlaug skemmir ekki fyrir. Gullni hringurinn býður upp á margt slíkt, en nágrenni höfuðborgarsvæðisins er afar vanmetið svæði. Ég bendi á svæðið í kringum Kaldársel og Heiðmerkurhringinn sem ævintýraheim hrauna, hrauntraða, gjáa, hella og gróðurs í bland ásamt þægilegum fellum eða fjöllum til að ganga á. „Silfraði hringurinn“; Krýsuvík-Grindavík-Bláa lónið-Eldvörp-Reykjanes er vanmetin ferðamannaleið. Kverkfjöll, Vesturbýggð, Hornstrandir og Strandir, Gjástykki-Leirhnjúkur, Askja og Kverkfjöll eru á topp tíu listanum, en fyrir venjulegt ferðafólk er Landmannaleið um Dómdal mun aðgengilegri en margir halda og algert konfekt. Bendir á heimildarmynd sem ég hef gert undir heitinu „Akstur í óbyggðum“ sem sýnd verður 1. júní næstkomandi í Sjónvarpinu.

“Hafa ber í huga að ávöxtur af slíkri upplifun skilar sér oftast ekki til fulls fyrir en löngu síðar, þegar börnin eru uppkomin, sjálf orðin uppaldur.”

Hverjir eru þínir uppáhaldsstaðir á landinu?

„Ég á þrjá eftirlætiðstaði sem ég reyni að koma á eins oft og ég get á hverju sumri. Þetta eru Sauðárflugvöllur, stór viðurkenndur og skráður flugvöllur á Brúaröræfum, sem ég hef valtað og merkt og er umsjónarmaður fyrir, Uppsalar í Selárdal, sem ég ásamt fjórum vinum mínum hef tekið í fóstur, og svo Hvammur í Langadal þar sem ég var í sveit sem barn.“

Hvernig upplifun er að ferðast með einu barna sinna upp á nýtt, samanber Ferðastíklur ykkar Láru?

Ég er mjög ánægður með að ferðalög fyrir löngu með fjölskyldu minni eru að byrja að skila sér í gegnum ferðalög barna minna með fjölskyldum þeirra. Lára kallar ferðir sínar með sinni fjölskyldu „mömmuferðir“ og fékk þannig hugmynd að eigin þáttum, „Ferðastíklur“ þar sem afi gamli gæti kannski orðið að einhverju gagni. Það hefur glatt mig mikið og ég er þakklátur fyrir viðtökurnar.

Allt til alls fyrir fjölskylduna

Mikið framboð afþreyingar og stuttar vegalengdir gera Billund í Danmörku að ákjósanlegum sumarleyfistað fyrir fjölskylduna. Margar fjölskyldur fara þangað ár eftir ár enda er staðurinn paradís fyrir börn. **Primera Air** flýgur þangað vikulega í sumar.

Billund í Danmörku er svo sannarlega draumaáfangastaður fjölskyldunnar. Allir þekkja skemmtigarðinn Legoland en beint á móti honum er annar skemmtigarður sem nefnist Lalandia. Við hlið hans er svo Legoland Holiday Village sem býður upp á fjölbreytta gistingu og í 25 mínútna akstursfjarlægð er Givskud Zoo. Það er því nóg af fjölbreyttri afþreyingu fyrir alla á litlu svæði auk þess sem margir golfvöllir eru á Jótlandi. Primera Air flýgur vikulega til Billund í sumar og fram í október. Verðið er frá 14.780 kr. með sköttum hvora leið. Innifalið í verðinu er 20 kg taska og engin bókunargjöld eða annar kostnaður bætist við.

Þórður Bjarnason hefur ferðast til Billund undanfarnir þrjú ár með eiginkonu og tveimur ungum strákum og er stefnan jafnvel tekin þangað aftur í ár. Hann segir mikla pressu vera frá strákunum sínum enda upplifi þeir Billund sem algjöra paradís. „Við höfum ferðast víða með strákana okkar, til dæmis farið í Disneyland, en ekkert toppar Billund að okkar mati. Við röltum eða hjólum á milli staða og þar er mikið úrval afþreyingar fyrir börnin.“

Alvöruskemmtigarður

Margir Íslendingar þekkja Legoland en það eru ekki allir sem gera sér grein fyrir því að um er að ræða risastóran skemmtigarð. „Legoland er ekki bara lítill sæt kubbahús heldur alvöru skemmtigarður. Þar má finna rússbana, vatnsleikjagarð og margt fleira. Sérstök svæði

eru helguð ólíkum aldurshópum og foreldrar gæða sér á nesti og öðrum veigum í sólinni.“

Margir sem heimsækja Billund gista í Lalandia-garðinum. „Með gistingu fylgir frír aðgangur að allri afþreyingu á svæðinu. Þar má til dæmis finna lestin, dýr sem ganga frjáls um svæðið og úrval leiktækja. Lalandia er í raun risastórt svæði, á við 2-3 Egilshallir. Þar má einnig finna fjölda veitingastaða, matvöruverslun, tívolí, vetrarveröld, vatnsrennigarð og boðið er upp á fjölda námskeiða fyrir börn og unglina.“

Margt í boði

Í Givskud Zoo má sjá fjölda villtra dýra sem ganga um frjáls. „Þeir sem keyra þangað á bílaleigubíl geta keyrt beint inn í garðinn þar sem dýrin röltu frjáls um og jafnvel við hlið bílanna. Þar má sjá ljón, gíraffa, nashyrninga og mörg önnur dýr.“

Ef eldri unglingar eru með í för má líka heimsækja Djurs Sommerland-skemmtigarðinn sem er í 45 mínútna fjarlægð, auk þess sem margir Íslendingar heimsækja bæinn Vejle en þar má til dæmis finna stóra verslunarmiðstöð.

Flugvöllurinn við Billund er lítill og farþegar eru fljótir að komast á áfangastað. Flugíð þangað tekur einungis um tvær og hálf klukkustund og 30 mínútna akstur er til Lalandia.

Meðal annarra áfangastaða sem Primera Air býður upp á í sumar má nefna Alicante á Spáni.

Allar nánari upplýsingar má finna á www.primeraair.com



Dýrin ganga frjáls um í Givskud Zoo.

MYND ÚR EINKASAFNI



Vatnsleikjagarðurinn í Lalandia er vinsæll. Legoland er risastór skemmtigarður sem býður upp á fjölbreytta afþreyingu.



MYND/AFP



Lesendur Fréttablaðsins undir fimm-
tugu eru 48 þúsund fleiri á landinu
öllu en lesendur Morgunblaðsins.*

Það samsvarar samanlögðum íbúafjölda Vesturlands,
Vestfjarða og Norðurlands til og með Akureyri.

* Skv. fjölmiðlakönnun Capacent Gallup, júl–sept 2013.



Allt sem þú þarft ...

STÓRSÝNING

Á húsbílum um helgina.
Fimm stjörnu ferðafrelsi.



P. KARLSSON ehf.

Smiðjuvellir 5 a
230 Reykjanesbær



Dethleffs
A friend of the family

Opnunartímar: Laugardagur frá kl. 12–16.
Sunnudagur frá kl. 12–16.
Ópið mánudaga til föstudaga frá kl. 10–17.



HEILSUSAMLEGA KÖBEN

Kaupmannahöfn lendir oft og iðulega á topplista yfir heilsusamlegustu höfuðborgir veraldar. Þar hefur loftmengun dvínað til muna á síðasta áratug og markmið stjórnvalda að Kaupmannahöfn verði fyrsta höfuðborg heimsins sem verður algjörlega laus við koltvísýring í andrúmslofti árið 2025.

Í dag fer helmingur borgarbúa til vinnu og skóla á reiðhjólum og liggja yfir 400 kílómetrar af skemmtilegum hjólabrautum um alla borg. Reiðhjól eru því kjörinn og dásamlegur ferðamáti þegar farið er um höfuðborg Danaveldis. Fjölfarnasta hjólaleið heims liggur um Dronning Louises-brúna, með yfir 36 þúsund hjólreiðamenn á dag. Önnur fjölfarin hjólaleið er yfir Löngubrú, sem liggur yfir innri höfnina og tengir eyjuna Amager við miðbæ Kaupmannahafnar. Þar er jafnan krökkt af hjólreiðafólki og hvarvetna lífandi og skemmtilegt mannlíf. Þá hefur ný og spennandi hjóla- og göngubrú verið byggð yfir höfnina sem tengir hafnarvæðið við íbúðhverfið Fisketorvet.



SKÁL, íslenskur staður á Canal Street.

ÍSLENSKIR STRAUMAR Í STÓRA EPLINU

Veitingastaðinn SKÁL á Canal Street í New York er vert að heimsækja, þó ekki sé nema til að upplifa norræna og heimilislega strauma í stóra Eplinu.

Staðurinn er íslenskur en eigandinn, Óli Björn, býður upp á ljúffengan mat, eldaðan á norræna vísu.

Innréttingarnar á staðnum eru hannaðar af þeim Róshildi Jónsdóttur og Snæbirni Stefánssyni vöruhönnuðum, sem saman vinna undir merkinu Hugdetta.

Nánar á www.skalnyc.com

Ef heimþráin er alveg að fara með ferðalanginn væri næsta stopp BÚÐIN í Greenpoint Brooklyn. Þar er hægt að drekka íslenskan bjór og kaupa íslenska hönnun. Rut Hermannsdóttir, einn eigenda Búðarinnar, býður einnig upp á dýrasta kaffibollann í NYC.

Nánar á www.budin.is

John Lewis 150 ára

Hin fræga stórverslun John Lewis, sem er til húsa við Oxford-stræti í Lundúnum, fagnar 150 ára afmæli sínu þessa dagana. Gestir verslunarinnar fá að upplifa hvernig búðin leit út 2. maí 1864 á sýningu sem sett hefur verið upp. Á sýningunni er einnig sagt frá því hvernig seinni heimsstyrjöldin breytti verslunarháttum og hefði getað breytt framtíðaráformum fyrirtækisins en verslunin skemmdist í sprengjuárás.

Þá má sjá gömul vörumerki eins og Silver Cross-barnavagna, Dualit-, Hoover- og Kenwood-heimilistæki ásamt fleira skemmtilegu. Einnig verður opnaður garður á þaki byggingarinnar sem þekktir hönnuðir hafa hannað.

Fyrirtækið, sem þénaði 4 milljarða punda á síðasta ári, er að láta gera nýjar sjónvarpsauglýsingar sem tengjast afmælinu. John Lewis byrjaði við Oxford-stræti en rekur nú 41 verslun á Bretlandseyjum. Um 91 þúsund manns starfa hjá fyrirtækinu. Afmælið verður notað til að kynna sögu fyrirtækisins og hvernig það hefur þróast.




Margt skemmtilegt verður gert í tilefni afmælisins.

MYND/AFP

VIÐ SKUTLUM ÞÉR!

flugrútan



Alltaf laus sæti



Alltaf ferðir



Fri þráðlaus internet-tenging í öllum bílum



Ferðatími u.þ.h. 45 mínútur



Hagkvæmur kostur



Umhverfisvænt

FYRIR AÐEINS

1.750 kr.*

*Míðast við að keyptur sé miði fram og til baka á: 3.500 kr.



Áætlunarferðir Flugrúttunnar eru í tengslum við allar komur og brottfarir flugvéla um Keflavíkurflugvöll.

Kaupu miða núna á www.flugrutan.is

BSÍ - Umferðarmiðstöðin
101 Reykjavík
☎ 580 5400
main@re.is • www.re.is



Skannaðu stríkamarkið með snjallsímanum og kynntu þér áætlunina.

